

Update sa COVID-19 – ika-5 ng Mayo 2021

ANONG BAGO?

Narito ang buwanang update sa Covid-19 ngayong Mayo

PAGSUSURI SA KEMH

- Kabuuang dami ng swab tests na naisagawa at naproseso sa ngayon: Pitong libo dalawang daan at limampu't walo (7,258)
- Kabuuang dami ng swabs na nakuha ngunit di pa nasusuri: Isa (1)
- Kabuuang dami ng positibong resulta simula noong ika-3 ng Abril 2020: Animnapu't tatlo (63)
- Damang kasalukuyang positibong resulta sa loob ng isla: Wala (0)

UPDATE SA PROGRAMA SA PAGBABAKUNA

Malugod na inaanyayahan ng King Edward VII Memorial Hospital ang lahat ng taong nakatanggap na ng kanilang unang dosis ng bakuna bago ang ika-12 ng Abril, na dumalo sa Stanley Vaccination Centre sa FIDF Club para sa kanilang pangalawang dosis sa mga sumusunod na petsa:

Lunes, ika-17 ng Mayo

- Mga taong may edad 40 pataas 9am hanggang 12pm
- Mga taong may edad 34 hanggang 39 1pm hanggang 4pm

Martes, ika-18 ng Mayo

- Mga taong may edad 28 hanggang 33 9am hanggang 12pm
- Mga taong may edad 18 hanggang 23 1pm hanggang 4pm

Sinumang nakatanggap ng kanilang unang dosis pagkatapos ng ika-12 ng Abril ay tatawagan ng KEMH sa takdang panahon, para isaayos ang kanilang pangalawang dosis.

Tatanawing utang na loob at malaking pasasalamat ng hospital, tulad ng dati, na kung maaari, ang mga residente ng East Falklands ay pumunta sa bayan para sa kanilang pangalawang dosis. Ang mga residente na ito ay maaaring dumalo sa kahit na anong nabanggit na araw.

Ang simumang kakatungtong lang sa edad na labing-walo simula ng programa sa pagbabakuna, at sinumang nais na tumanggap ng kanilang unang dosis, ay inaanyayahan din na dumalo para sa kanilang unang bakuna sa FIDF Hall sa Lunes, ika-17 ng Mayo sa pagitan ng alas-nuebe ng umaga hanggang alas-dose ng tanghali (9am hanggang 12pm).

Ang FIGAS at ang *travelling vaccination team* ay nagpapalano na bumiyahen sa West Falkland at sa Outer Islands sa ika-19 ng Mayo at ang mga detalye ng kanilang paglipad ay ilalathala sa takdang panahon.

Mga bagong residente

Kung ikaw ay bago sa isla at nagnanais na makatanggap ng iyong unang dosis, siguraduhin lang na ikaw ay nakarehistro sa KEMH bago dumalo sa Stanley Vaccination Centre.

Maaari kang magparehistro sa mga sumusunod na paraan:

- Bumisita sa reception ng ospital para kumpletuhin ang iyong mga papeles mula alas-otso ng umaga (8am) hanggang alas-kwatro y medya (4:30pm)
- Tumawag sa 28000 para humingi ng mga kaukulang papeles para maipadala sa iyong tirahan at ipadala ito pabalik sa kanila
- Magpadala ng email sa surveillance@kemh.gov.fk para humingi ng elektronikong bersyon ng mga papeles, na maaaring makumpleto at maibalik sa pamamagitan ng email.

Kung ikaw ay bago sa isla at nakakuha na ng iyong unang dosis, makipagugnayan sa practicemanager@kemh.gov.fk para isaayos ang iyong pangalawang bakuna.

MGA PANGANGAILANGAN SA PAGBIBIYAHE

Isang buong listahan ng mga pangangailangan sa pagbibiyaheng northbound o southbound ay makikita sa Covid-19 Website ng Gobyerno ng Falkland Islands. Pumunta sa www.fig.gov.fk/covid-19

- Kasama dito ang mga *pre-travel checklists*, abiso sa paglilipat, at mga detalye ng mga parusa na maaaring makuha ng mga pasaherong paparating sa Brize Norton kung hindi sila susunod sa mga pangangailangan.
- Para linawin ang mga karagdagang puntos sa pagbibiyahe pa-southbound:
 - Walang sinuman ang pwedeng hingan ng patunay ng kanilang bakuna dahil hindi ito karaniwang pamamaraan ng *check-in*, ni ito ay polisiya ng gobyerno ng UK
 - Ang patunay ng iyong negatibong resulta sa Covid-19 ay nakapangalan sa kung anong pangalan ang nakalagay sa iyong pasaporte.
 - Kung ang iyong pasaporte ay nakapangalan sa iyong *maiden name*, siguruhin na ang iyong pagsusuri ay nakapangalan din sa iyong *maiden name*, o kung hindi man ay kailangan mong dalhin ang kopya ng iyong *marriage certificate* bilang patunay.

QUARANTINE

Bilang paalala, ang mga taong paparating sa Falkland Islands, na bibiyahe mula sa dagat o mula sa himpapawid, ay dapat na magsagawa na kanilang quarantine sa kanilang unang labing apat na araw sa isla at hindi maaaring makibahagi ng tirahan o anumang pasilidad sa kahit sinumang wala sa quarantine. Habang nasa quarantine, ang mga indibidwal ay makatanggap na kahit isang tawag upang sila ay kamustahin at aaluking na makibahagi sa ating *surveillance swabbing programme*. Ito ay ang pagsasagawa at pagkuha ng swab para sa coronavirus sa tatlong magkakahiwalay na pagkakataon upang masiguro na sila

ay ligtas at walang impeksyon bago sila lumabas mula sa quarantine. Makikita ang karagdagang impormasyon tungkol sa *quarantine* regulations sa website ng FIG.

SERBISYO NG MEDEVAC

Pinapaalalahan ng KEMH ang publiko na, dahil sa sitwasyon ng COVID-19 sa Timog Amerika, nananatiling mahirap at patuloy na mahirap ang pagsasaayos ng serbisyo ng medevac paalis at papasok ng Falkland Islands. Isinara na ng Chile ang kanilang mga borders at ang mga ospital sa karatig na bansang Uruguay ay nasa labis na kagipitan. Bilang resulta, ang mga tao ay pinapaalalahan na maging mas maingat kung sila ay magsasagawa ng mga akitibidad na maaaring maglagay sa kanila sa alanganin o labis na pagkapinsala sa katawan. Ang anumang gawain ng publiko para mabawasan ang pangangailangan sa serbisyon medevac ay lubos na makakatulong sa KEMH at sa mga katrabaho nitong mga ospital. Ang sitwasyong ito ay hindi makakaapekto sa mga planadong gamutan para sa mga taong bibiyahe sa UK, kahit na ang KEMH ay patuloy na nakikipagtulugan sa NHS, sa pagkakataong muling tumaas ang kaso ng Covid-19 sa UK ay maaaring maka-apekto sa mga planong ito.

COMMERCIAL AIRLINKS

Ang mga *commercial airlinks* sa Chile at Brazil ay nanatiling suspendido at wala sa operasyon ng hanggang sa ika-1 ng October 2021. Habang ang mga *operators* ay maaaring makapagsagawa ng online bookings lampas sa petsang ito, wala pa ring desisyon sa kung kailan ibabalik ang mga biyahe. Ang sitwasyon ay patuloy na sinusuri dahil sa mga kumplikadong sitwasyon dahil sa pandemya, partikular na sa mga paghihigpit sa biyahe, pag-kontrol sa pandaigdigang mga hangganan, at mga bagong uri ng Covid-19.

Ang susunod na buwanang update para sa Covid-19 dito sa Falkland Islands ay sa ika-2 ng Hunyo 2021.